

UNIVERSITAS CAROLINA PRAGENSIS

STATUTA FACULTATIS THEOLOGIAE CATHOLICAE

Senatui Academico Facultatis Theologiae Catholicae – secundum § 27, art. 1, litt. b) legis nr. 111/1998 Collectionis legum et praescriptorum (ulterius “Coll.” tantum), de studiis superioribus necnon de mutatione et suppletione legum aliarum (ulterius “Lex” tantum) – haec Statuta placuerunt ut norma Facultatis interna:

PARS PRIMA INSTITUTA INITIALIA

Art. 1

Instituta fundamentalia

1. Facultas Theologiae Catholicae Universitatis Carolinae Pragensis (ulterius „Facultas“ tantum) illae facultatis theologiae succedit, quam Clemens papa VI litteris die 26 ianuarii 1347 datis canonicè constituerat quaeque membrum facta est universitatis Pragensis, a Bohemorum rege Carolo IV die 7 aprilis 1348 fundatae. Facultas evolutionem historicam perferebat, etiam exclusionem de Universitatis gremio perpressa est (intra Romano-Catholicam Facultatem Theologicam Cyrillo-Methodianam Pragensem existens, ab anno 1953 in Litomerice residens) et anno 1990 Universitati Carolinae Pragensi (ulterius „Universitas“ tantum) reinserta est.¹
2. Facultas membrum est Universitatis ut personae iuridicae.
3. In Facultate ad effectum perducitur Ecclesiae ius docendi, ministros sacros et operarios laicos sibi erudiendi.²
4. Quoad ius civile, actionum Facultatis fundamentum legitimum est lex nr. 111/1998 Collectionis legum et praescriptorum (ulterius „Coll.“), de studiis superioribus necnon de mutatione et suppletione legum aliarum (ulterius „Lex“ tantum), una cum lege nr. 3/2002 Coll., de libertate fidei religiosae atque de statu ecclesiarum et consociationum religionis, item cetera praescripta iuridica, normae internae Universitatis atque normae internae Facultatis.
5. Quoad ius canonicum, actionum Facultatis fundamentum legitimum est Codex iuris canonici ab anno 1983 vigens et Constitutio apostolica “Sapientia christiana” Johannis Pauli papae II die 15 aprilis 1979 promulgata, eique adiunctae Ordinationes, et alia Apostolici Sedis decreta.
6. Relationes Facultatis ad Universitatem ordinantur Lege, normis internis Universitatis et normis internis Facultatis.

¹ § 1 art. 1 legis nr. 163/1990 Collectionis legum et praescriptorum, de facultatibus theologicis.

² § 6 art. 3 litt. a) legis nr. 3/2002 Coll., de libertate fidei religiosae atque de statu ecclesiarum et consociationum religionis.

7. In relationibus iuridicis, quocumque Facultas nomine Universitatis agat, nomen „Univerzita Karlova v Praze, Katolická teologická fakulta“ seu Latine „Universitas Carolina Pragensis, Facultas Theologiae Catholicae“ adhibetur. In relationibus aliis licet nomen „Katolická teologická fakulta Univerzity Karlovy“ seu Latine „Facultas Theologiae Catholicae Universitatis Carolinae“ adhibere. Ut nomen Facultatis abbreviatum „KTF UK“ (secundum vocem Latinam “FTC UC”) adhibetur.

8. Residentia Facultatis est in Praga 6, via Thákurova 3.

9. Facultas sigillum officiale rotundum adhibet cum emblemate Rei Publicae Bohemicae et cum textu “ Univerzita Karlova v Praze, Katolická teologická fakulta“ (quod est Latine „Universitas Carolina Pragensis, Facultas Theologiae Catholicae“ tantum), ubicumque praescriptum iuridicum ita statuerit.³ Ceterorum sigillorum imaginem et adhibendi modum per Decani consultum statuatur.

Art. 2

De Facultatis munere et actionibus

1. Munus Facultatis est, munus Universitatis coadimplere atque sollicitari, ut „veluti publica, stabilis atque universalis praesentia efficiatur mentis christianae in toto culturae altioris promovendae studio“. ⁴ Huic muneri suo Facultas in diversis scientiae provinciis stat, nominatim in theologia catholica, et quidem lege scientiae pervestigando, studentes erudiendo et emolumenta navitatis suae fructificando in toto evangelizationis ministerio.⁵ Pars insignis actionum eius est cura formationis scientificae erga ministros ecclesiae habita, praecipue erga eos, qui ad presbyteratum contendunt, eorundemque formatio continua.⁶

2. Facultas curricula accredita gerit atque eruditivam, scientificam, pervestigativam, evolutivam, artificam necnon alias navitates creativas provehit utique formationem continuam.

3. Facultas studiis et navitatibus eruditivis atque scientificis per servitium bibliothecarium et informaticum suppeditat.

4. Facultas potest navitatem editorialem provehere, quae navitas praecipue cum navitatibus scientificis et eruditivis Communitatis eius Academicae cohaeret.

5. Tamquam supplementum potest Facultas perficere navitates pecunia solutas, dummodo adnexa sint eiusdem navitatibus eruditivis, scientificis, pervestigativis, evolutivis, artificis necnon aliis creativis, vel navitati quae ad usum aptiorem possessionum spectat. Quae navitates oportet adiumento sint, quo Facultas muneri suo melius stet.

³ § 3 legis nr. 68/1990 Coll., de emblemate, vexillo et de aliis symbolis Rei Publicae Bohemicae adhibendis, iuxta praescripta sequentia.

⁴ Concilium Vaticanum II, declaratio de educatione catholica Gravissimum educationis, art. 10.

⁵ Sapientia christiana, art. 3 § 3; Ordinationes, art. 4.

⁶ § 6 art. 3 litt. a) legis nr. 3/2002 Coll., de libertate fidei religiosae atque de statu ecclesiarum et consociationum religionis; Sapientia christiana, art. 3 § 2 et art. 74 § 1.

6. Facultas cum intraneis et extraneis scholis superioribus, cum institutis scientificis et pervestigativis necnon cum aliis personis iuridicis cooperatur et pro membris Communitatis Academicae optima huiusmodi cooperationis circumstantia efficit.

7. Facultas cooperat cum Seminario Archiepiscopali, quod est Universitatis institutum sui muneris.⁷

Art. 3

De membrorum Communitatis Academicae statu

1. Facultatis Communitas Academica constat ex operariis academicis in Facultate munere fungentibus et ex studentibus Facultati adscriptis.

2. Communitatis Academicae membra ius habent nominatim:

- a) Senatus Academici candidatos ferre, membra eius eligere et membrum eiusdem eligi;
- b) more in norma interna Facultatis praestituto candidatos munere Decani functuros ferre;
- c) sessionibus Senatus Academici adesse;
- d) protocolla de processibus Senatus et Collegii de rebus scientificis cognoscere, inclusive quid consulta eorum dixerint;
- e) copiam loquendi in concilio membrorum Communitatis Academicae obtinere;
- f) cum sententiis, mentionibus necnon querelis suis organa Facultatis autonoma adire; quae organa obligantur eis operam dare, sine mora superflua eas expedire et ad eas respondere.

3. Facultas favet navitatibus associationum, quae scientiam, peritiam, studia, syndicalismum et alias membrorum Communitatis Academicae intentiones provehunt; quae navitates adiumento sint, quo Facultas muneri suo melius stet.

4. Facultas respicit necessitates sociales membrorum Communitatis Academicae.

5. Communitatis Academicae membra obligantur normas internas Universitatis et Facultatis servare.

6. Communitatis Academicae membra obligantur cavere, ne Universitas atque Facultas ignominiam capiant.

7. Communitatis Academicae membrum potest eodem tempore solummodo uno ex sequentibus muneribus fungi: munere Decani, Prodecani, Secretarii.

9. Membrorum Communitatis Academicae concilium Decanus convocat motu proprio, ex Senatus Academici consulto vel rogante Rectore.

PARS SECUNDA DE MAGNO CANCELLARIO

⁷ Ordinatio conformativa Universitatis Carolinae Pragensis (Appendix nr. 2 Statutorum Universitatis Carolinae), art. 4 par. 1.

Art. 4

De Magni Cancellarii iuribus et muneribus

1. Iure canonico Facultas a Magno Cancellario pendet, qui est Archiepiscopus Pragensis.⁸ Magni Cancellarii vicem gerere vicecancellarius potest.

2. Magnus Cancellarius nominatim⁹

- a) sollicitatur ut Facultas muneri suo stet et perpetuo augeatur;
- b) providet ut in Facultate serventur doctrina catholica, mores, disciplina et quidquid Sancta Sedes statuerit;
- c) sodalitati inter Communitatis Academicae membra et communitati Facultatis cum regionali atque cum universa Ecclesia favet;
- d) Apostolicam Sedem apud Facultatem et Facultatem apud Apostolicam Sedem repraesentat;
- e) Facultatis Statuta ad approbandum proponit Congregationi pro Institutione Catholica;¹⁰
- f) Congregationi pro Institutione Catholica, ut ab Apostolica Sede canonice sanciantur, nomen candidati munere Decani functuri proponit, item nomina praecipientium, qui declaratione „nihil obstat“ indigeant;
- g) a Decano professionem fidei accipit;
- h) praecipientibus mandatum canonicum tribuit vel tollit;
- i) certiore faciat Apostolicam Sedem de gravioribus rebus gestis et singulis trienniis mittat ei de Facultatis statu expositionem extensam, quam mutua cum Decano cooperatione exaret.

3. Magnus Cancellarius a Facultatis organis academicis autonomis postulet, ut in actionibus mensurisque suis respiciant momenta atque praescripta in art. 2 litt. b) nominata. Facultatis organa academica autonoma annuntient Magno Cancellario omnes mensuras paratas et graviora de Facultatis vita, quae eadem momenta atque praescripta attingant.

4. Magnus Cancellarius iura habet in art. 3 par. 2 litt. c)-f) nominata. Praeterea potest concilium membrorum Communitatis Academicae convocare. Ius habet in medium prodeundi intra sessionem Senatus Academici Facultatis et Consilii de rebus scientificis Facultatis, quandocumque ita petat.

PARS TERTIA

FACULTATIS ORGANA ACADEMICA AUTONOMA ET SECRETARIUS

Art. 5

De organis academicis

1. Facultatis organa academica autonoma sunt:

- a) Senatus Academicus;
- b) Decanus;
- c) Consilium de rebus scientificis;
- d) Collegium disciplinarium Facultatis.

⁸ Sapientia christiana, art. 13 § 1.

⁹ Sapientia christiana, art. 12 et art. 27; Ordinationes, art. 8.

¹⁰ § 33 art. 4 Legis; Sapientia christiana, art. 7.

2. Alterum organum Facultatis Secretarius est.

3. Facultatis organa academica autonoma et Secretarius ius habent decidendi vel nomine Universitatis agendi in sequentibus rebus Facultatem attingentibus:

- a) curriculum creatio et expletio;
- b) scientificarum, pervestigatarum, evolutivarum, artificiarum necnon aliarum navitarum creativarum destinatio et dispositio;
- c) relationes secundum ius laboris pactae;
- d) processus ad habilitatem docendi et ad nominationem professoris assequendas, limitibus legis servatis;
- e) contactus extranei et activitates extraneae;
- f) organorum academicorum autonomorum constitutio et interna dispositio, nisi lex aliter statuat;
- g) pecuniarum attributorum et bonorum Universitatis usus, limitibus secundum art. 49 litt. c) Statutorum Universitatis servatis;
- h) navitates supplementariae et usus pecuniae inde acquisitae.

4. Facultatis organa academica autonoma et Secretarius ius habent cum sententiis, mentionibus necnon querelis suis organa autonoma Universitatis et Quaestorem adire.

5. Organa autonoma Universitatis et Quaestor ius habent cum sententiis, mentionibus necnon querelis suis Facultatis organa academica autonoma et Secretarium adire. Quae organa obligantur eis operam dare, sine mora superflua eas expedire et ad eas respondere.

Art. 6

De Facultatis Senatu Academico

1. Facultatis Senatus Academicus (ulterius „Senatus“ tantum) eiusque membra actionum suarum rationem reddunt Communitati Academicae. Munere suo fungentes, membra Senatus uniuscuiusque conscientia ligantur et commoda Facultatis ut rei universae curare debent.

2. Membra Senatus ex membris Communitatis Academicae Facultatis ab iisdem eliguntur, separatim ab operariis academicis separatimque a studentibus. Senatus 12 membra habet, ex quo 8 eligantur ex operariis academicis et 4 eligantur e studentibus. Modus electionis et agendi Senatus accuratius diffiniuntur per “Ordinem eligendi et fungendi Senatus Academici Facultatis Theologiae Catholicae”, qui est norma interna Facultatis.

3. Munus membri Senatus repugnat muneribus Rectoris, Prorektoris, Decani, Prodecani et Secretarii Facultatis.

4. Antequam tempus fungendi praeterierit, munus membri in Senatu exstinguitur

- a) simulac habitus membri Communitatis Academicae exstinguitur;
- b) die qua praeses Senatus declarationem scriptis datam obtinuit, per quam membrum se munere in Senatu abdicat;
- c) revocatione, si ita consentiat pars dimidio maior competentium membrorum Communitatis Academicae, operariorum academicorum aut studentium; uberiora “Ordine eligendi et fungendi Senatus Academici Facultatis Theologiae Catholicae Universitatis Carolinae Pragensis” reguntur.

5. Si munus membri Senatus secundum litteram antecedentem exstinguitur, ad tempus reliquum fungendi Senatum ineat succedaneus iuxta ordinem Senatus eligendi.
6. Tempus fungendi Senatui ad biennium statuitur. Tempus fungendi omnium Senatus membrorum exstinguitur, si Senatus per sex menses iuxta par. 9 et 10 non agit. Decanus non tardius quam intra unam hebdomadam electiones novas enuntiet.
7. Senatus suffragiis occultis e suis membris eligat et, si res fert, etiam revocet organa sua: praesidem et duo vicepraesides. Praeses et unus vicepraesidum ex operariis academicis, alter vicepraeses e studentibus eligatur.
8. Sessiones Senatus publice accessibiles sunt. Tempora sessionum praestituta, protocollum de actione et decisiones Senatus in tabula Senatus officiali patefiant.
9. Senatus
- a) Decano rogationem ferente de constitutione, coniunctione, fusione, seiunctione vel dissolutione partium Facultatis decernit;
 - b) Decano rogationem ferente normas internas Facultatis approbat et easdem ad approbandum Senatui Academico Universitatis cedit; protocollum autem Statutorum Facultatis, antequam Senatui Academico Universitatis cessum erit, debet a Congregatione pro Institutione Catholica approbatum esse;¹¹
 - c) distributionem futuram pecuniarum Facultatis, a Decano propositam, approbat et usum earum inspicit;
 - d) annuam rerum gestarum expositionem approbat necnon annuam de fiscalibus relationem, quae documenta Decanus proposuit;
 - e) condiciones admissionis ad studia intra curricula a Facultate gesta approbat;
 - f) Decani rogationem ad nominandum vel revocandum membra Consilii de rebus scientificis et Collegii disciplinarii approbat;
 - g) rogationem ferendam de Decani nominatione decernit et, si opus fuerit, rogationem fert de eiusdem revocatione a munere; quibus in casibus agat Senatus secundum „Ordinem ad eligendum candidatum munere Decani functurum et ad procedendum in Decani revocatione“, qui est norma interna Facultatis;
 - h) Decano rogationem ferente approbat propositum diuturnum actionum docendi, erudiendi, scientias excolendi, pervestigandi, evolvendi, artes colendi necnon aliarum in Facultate navitatum creativarum, quod propositum elaborandum est ut propositis scholae superioris publicae consentaneum et prius in Consilio de rebus scientificis tractetur.
10. Senatus sententiam suam dicat nominatim
- a) ad rogationes, quibus curricula a Facultate gerenda ferantur;
 - b) ad Decani consilium Prodecanos nominandi vel revocandi.

Art. 7
De Decano

1. Facultati Decanus praeest, qui, ut solet, ex professoribus et docentibus Facultati incardinatis eligatur; ipse in rebus Facultatis agit et decernit, nisi normae iuris civilis vel, in

¹¹ Vide adnotationem nr. 10.

rebus canonicis, iuris canonici aliter statuunt. Decisiones graviores formam habeant consultorum Decani, quae consulta in tabula officiali Facultatis patefiant.

2. Decanus nominatim:

- a) Facultatem foris repraesentat;
- b) Facultatis actionibus moderatur, easque provehit et coordinat;
- c) congruenter normis internis Facultatis ac Universitatis agit et iugiter curat ut eadem servantur;
- d) Prodecanos nominat et revocat, Senatus sententia audita;
- e) membra Consilii de rebus scientificis, cui praesidet, Senatu consentiente nominat et revocat;
- f) membra Collegii disciplinarii Facultatis Senatu consentiente nominat et revocat;
- g) Secretarium nominat et revocat, ambitum actionum eius statuit et actiones inspicit;
- h) Senatui distributionem futuram pecuniarum Facultatis ad approbandum fert;
- i) Senatui annuam rerum gestarum expositionem necnon annuam de fiscalibus relationem ad approbandum fert;
- j) Senatui rogationem de constitutione, coniunctione, fusione, seiunctione vel dissolutione partium Facultatis fert;
- k) Communitatem Academicam convocat;
- l) servatis limitibus iuxta Statuta Universitatis, art. 49 litt. c), de bonorum Universitatis usu dispensat et, in quantum ad id ipsum pertinet, nomine Universitatis agit;
- m) nomine Universitatis decernit in rebus ad ius laboris pertinentes circa operarios academicos et circa ceteros operarios Facultatis;¹²
- n) congruenter Statutis Universitatis, art. 23, sententia Consilii de rebus scientificis audita, Universitatis Rectori rogationem fert, ut cui munus Cautoris vel membri Consilii cautorum curriculis caventis, item membri Consilii provinciae scientificae curriculo ad Doctoratum caventis, detur vel tollatur;
- o) rogante Cautore vel Consilio Cautorum, sententia Consilii de rebus scientificis audita, curricula edicit;
- p) una cum opinione Consilii de rebus scientificis Facultatis Rectori Universitatis rogationem suam de Doctoratu honoris causa attribuendo proponit.¹³

3. Vicem Decani gerunt Prodecani, servatis limitibus ab eodem statutis. Prodecanos nominat et revocat Decanus, sententia Senatus audita. Ipse eis negotia exsequenda distribuit et actiones eorum inspicit.

4. Decani organum constans consultationibus habendis est Collegium Decani (ulterius „Collegium“ tantum). Membra Collegii sunt Prodecani, Secretarius et, si idoneum est, cetera membra a Decano nominata. Praeses Senatus vel membrum Senatus, cui Senatus ita mandavit, potestatem habet, Decano consentiente, actionibus Collegii interesse.

5. Decanus actionum suarum rationem Rectori reddit; quo nullatenus Decani competentia in rebus iuxta § 24 Legis exsequendis laeditur.

6. Decanus, a Senatu vel a Praeside Senatus vocatus, in sessione Senatus se sistat et interrogationes respondeat de munere suo exsequendo, quibuscumque eum Senatus vel membrum Senatus in sessione interrogent.

¹² Statuta Universitatis Carolinae Pragensis, art. 37-40, Sapientia christiana, art. 22-30.

¹³ Vide etiam Sapientiam christianam, art. 38.

7. Decanum nominat et revocat Rector, rogatione a Senatu lata.
8. Rector potest Decanum motu proprio revocare, et quidem solummodo sententione Senatus Academici Facultatis dicta atque Senatu Academico Universitatis assentiente, si Decanus graviter officia sua neglegat vel graviter commoda Universitatis vel Facultatis offendant.
9. Antequam tempus fungendi praeterierit, munus Decani exstinguitur etiam die qua Rector declarationem scriptis datam obtinuit, per quam Decanus se munere suo abdicat.
10. Tempus fungendi Decani ad quattuor annos statuitur. Munere Decani eadem persona in eadem facultate fungi potest non amplius quam duo tempora fungendi immediate subsequencia.

Art. 8

De Facultatis Consilio de rebus scientificis

1. Membra Facultatis Consilii de rebus scientificis nominat et revocat Decanus, Senatu consentiente.
2. Membra Facultatis Consilii de rebus scientificis sint insignes repraesentatores disciplinarum, in quibus Facultas navitates suas eruditivas, scientificas, pervestigativas, evolutivas, artificas vel alias navitates creativas gerit. Tertia saltem pars membrorum sint personae aliae ac membra Communitatis Academicae Universitatis, cuius Facultas est membrum.
3. Facultatis Consilio de rebus scientificis Decanus praesidet.
4. Facultatis Consilium de rebus scientificis nominatim
 - a) propositum diuturnum actionum docendi et erudiendi, scientias excolendi, pervestigandi, evolvendi, artes colendi necnon aliarum in Facultate navitatum tractat, quod propositum elaborandum est ut propositis Universitatis consentaneum;
 - b) curricula, quae Facultas gestura est, approbat;
 - c) auctoritatem habet in processibus ad habilitationem docendi assequendam et in processibus ad professorem nominandum, servatis Legis limitibus;
 - d) professores, docentes et expertos approbat, qui ius habeant membra collegii examinatorum esse in examinibus publicis et in examinibus publicis rigorosis;
 - e) sententiam dicit ad Decani rogationem, ut cui munus tum Cautoris curriculum ad Baccalaureatum et ad Magistratum, tum membri Consilii provinciae scientificae curriculum ad Doctoratum caventis detur vel tollatur;
 - e) sententiam dicit ad Decani rogationem nominandi professorem emeritum;
 - f) rogationem nominandi professorem in memoriam Rectori fert;
 - h) sententiam dicit ad Decani rogationem impertiendi Doctoratum honoris causa.
5. Facultatis Consilium de rebus scientificis sententiam dicit ad problemata a Decano lata.
6. Decanus, ut solet inter mensem a sua nominatione, Senatui rogationem fert revocandi et nominandi membra Consilii de rebus scientificis.
7. Munus membri in Consilio de rebus scientificis exstinguitur

- a) die qua Decanus declarationem scriptis datam obtinuit, per quam membrum se munere in Consilio abdicat;
- b) die qua Senatus Academicus rogationem revocandi membrum a Decano latam approbavit.

8. Sessiones Consilii de rebus scientificis ex solito publice accessibiles sunt. Tempora sessionum praestituta, protocollum de actione et decisiones Consilii de rebus scientificis in tabula officiali patefiant. Agenda Consilii de rebus scientificis accuratius diffiniuntur per “Ordinem agendi in Consilio de rebus scientificis Facultatis Theologiae Catholicae”, qui est norma interna Facultatis.

Art. 9

De Facultatis Collegio disciplinario

1. Praesidem et cetera membra Collegii disciplinarii Facultatis Decanus, Senatu consentiente, e membris Communitatis Academicae Facultatis nominat et eosdem revocat. Collegium disciplinarium sex habet membra. Dimidium membrorum Collegii disciplinarii Facultatis studentes figurant.
2. Tempus fungendi Collegio disciplinario Facultatis ad biennium statuitur.
3. Antequam tempus fungendi praeterierit, munus membri in Collegio exstinguitur
 - a) revocatione;
 - b) simulac habitus membri Communitatis Academicae exstinguitur;
 - c) die qua praeses Collegii declarationem scriptis datam obtinuit, per quam membrum se munere in Collegio abdicat.
4. Facultatis Collegium disciplinarium delicta disciplinaria studentium Facultati adscriptorum tractat et Decano sententiam ad decidendum proponit.
5. Actionum Collegii disciplinarii fundamentum est “Ordo disciplinarius ad studentes Universitatis” et “Ordo disciplinarius ad studentes Facultatis Theologiae Catholicae”, qui est norma interna Facultatis.

Art. 10

De Facultatis Secretario

1. Secretarius, cum Prodecanis cooperans, oeconomiam Facultatis et administrationem internam gubernat, in quantum Decani consultum diffiniverit. In actionibus suis ligatur normis internis Universitatis et Facultatis.
2. Secretarius, secundum idem consultum, nominatim
 - a) Facultatis Decanatu moderatur, respectu temperationis et operationis;
 - b) nomine Universitatis agit in rebus ad iurem laboris spectantes, si res illae opifices Decanatus vel etiam ceterorum Facultatis partium attingunt, nisi operarii academici sint aut nisi Decanus secus statuerit;
 - c) nomine Universitatis agit in rebus cum oeconomia Facultatis cohaerentibus et in procurando possessionem Facultati commendatam iuxta art. 49 litt. c) Statutorum Universitatis, servatis limitibus per Decani consultum datis.

3. Secretarius a Decano nominatur et revocatur. Nominatio fiat ex actione ad eligendum, cuius conditiones Decanus statuerit.

4. Secretarius subordinatus est Decano et eidem rationem actionum suarum reddet.

5. Secretarius, a Senatu vel a Praeside Senatus vocatus, in sessione Senatus se sistat et interrogationes respondeat de munere suo exsequendo, quibuscumque eum Senatus vel membrum Senatus in sessione interrogent.

PARS QUARTA
FACULTATIS CONFORMATIO

Art. 11
Quomodo Facultas divisa est

1. Partes Facultatem conformantes sunt Cathedrae et instituta ad officia specialia exsequenda.

2. De eorum constitutione, coniunctione, fusione, seiunctione vel dissolutione, Decano rogationem ferente, Senatus decernat.

Art. 12
De Cathedris

1. Cathedra est unitas conformationis Facultatis primaria, quae Facultatis navitates reddat tutas.

2. Cathedra potest ex divisionibus constare, quas Decanus constituit et dissolvit, rogatione a Cathedrae Praeposito lata. Divisioni praeest Cathedrae Vicepraepositus, quem Decanus nominat et revocat. De iuribus officiisque Cathedrae Vicepraepositi valet congruenter, quod in par. 6 statuitur.

3. Membra Cathedrae sunt operarii academici, vel etiam ceteri operarii, sive speciali peritia praediti sive administrativi.

4. Cathedrae moderatur Praepositus, quem Decanus nominat et revocat, sententia Senatus audita.

5. Tempus fungendi Cathedrae Praeposito ad quattuor annos statuitur. Antequam tempus fungendi praeterierit, hoc munus exstinguitur:

a) revocatione;

b) simulac habitus membri Communitatis Academicae exstinguitur;

c) die qua Decanus declarationem scriptis datam obtinuit, per quam Praepositus se munere suo abdicat.

6. Praepositus rationem actionum Cathedrae cui praestat Decano reddet. Ad eius munera pertinet nominatim:

- a) cum Decano cooperans, Cathedrae navitatibus eruditivis, scientificis et pervestigativis, evolutivis, artificis vel aliis navitatibus creativis moderari, easque ordinare et inspicere;
- b) protographum propositi diuturni, quomodo Cathedra augeatur, elaborare et idem Decano proponere;
- c) sententiam dicere in rebus ad ius laboris pertinentes, si membra Cathedrae attingant;
- d) cavere, ut in Cathedrae actionibus normae internae Universitatis atque Facultatis serventur;
- e) curare, ut Cathedrae actiones ex omni parte tutae reddantur.

7. Concilia Cathedris Praepositorum Decanus convocat, ut quaestiones solvantur ad eorum actiones pertinentes. Protocolla de conciliis modo consueto in tabula Facultatis officiali patefieri possunt.

Art. 13
De Decanatu

Decanatus est Facultatis organum executivum; cum Universitatis Rectoratu cooperans, Facultatis organorum actiones suppeditat operibus administrandi, ordinandi et coordinandi, notandi et inspiciendi, nominatim actiones Decani et Prodecanorum, in campo studiorum, scientiarum, oeconomiae, personalium, moderationis internae et relationum externarum. Diffinitio accuratior quoad singulas divisiones Decanatus et actiones earum statuatur ordinatio ad Decanatus conformationem, quae ut Decani consultum edicatur.

PARS QUINTA
CURRICULA, STUDIA ET STUDENTES

Art. 14
De curriculis

Uberiora de curriculis Lex et normae internae Universitatis statuunt.

Art. 15
Quomodo curriculis suppeditetur et quomodo inspiciatur, utrum ea perficiantur

Uberiora, quomodo curriculis suppeditetur et quomodo inspiciatur, utrum ea perficiantur, Lex et normae internae Universitatis statuunt.

Art. 16
De aditum ad studia dando

1. Facultas patet omnibus, sive clericis sive ceteris petentibus. Qui aditum ad studia sibi petunt, testimonium scriptis datum de vita et moribus exhibeant.¹⁴

2. Quomodo ad studia aditus datur, inclusive processus scrutatorios, Universitatis “Ordo aditum ad studia dandi” statuit. Aditus condiciones pro anno academico convenienti Decanus statuat, postquam a Senatu Academico Facultatis approbatae sunt; quae condiciones Universitatis “Ordini aditum ad studia dandi” congruant.

Art. 17

De studiis deque studentium iuribus et officiis

1. Regulae studiorum in Facultate fundamentales, inclusis iuribus et officiis studentium et regulis procedendi in primo gradu necnon regulis processus scrutatorii de iuribus et officiis studentium, “Ordine studiorum et examinationum” Universitatis statuuntur. Cetera singula “Ordinationem ad moderandum studia in Facultate Theologica Catholica” statuuntur, quae sunt norma interna Facultatis.

2. Studentium iura et officia oriuntur e Lege, e normis internis Universitatis et e normis internis Facultatis.

3. Praeter iura, quae ut membrum Communitatis Academicae habet (par. 3 art. 2 horum Statutorum), studentis nominatim est ius

- a) intra unum vel plura studiorum porogrammata studiis operam dare;
- b) studiorum disciplinas eligere et, secundum regulas curriculi, proprium organigramma studiorum sibi componere;
- c) in disciplina a pluribus praecipientibus tradita praecipientem sibi eligere;
- d) examinibus ascendere, servatis condicionibus iuxta curriculum et iuxta “Ordinem studiorum et examinationum”;
- e) parti sequenti curriculi adscribi, si condicionibus iuxta curriculum et iuxta “Ordinem studiorum et examinationum” satisfecerit;
- f) argumentum commentationis ad Baccalaureatum, ad Magistratum et dissertationis rigorosae ad Doctoratum sibi proponere;
- g) supellectilibus et technologiis informaticis ad studia intra curricula necessariis uti, congruenter normis Universitatis et Facultatis;
- h) stipendium obtinere, si condicionibus addicendi iuxta “Ordinem de stipendiis” satisfecit.

4. Studenti est praeterea

- a) tributa ad studia pertinentia, in casibus Lege statutis, solvere et necessaria ad eadem statuenda fateri;
- b) Facultati inscriptionem suam perlationi cursuali addictam nuntiare;
- c) si vocatus a Rectore, Decano vel operario ab iisdem delegato, se ad quaestiones tractandas sistere, quae ad decursum aut finem studiorum pertinent.

5. Si officia in par. 4 commemorata per culpam studentis praetermissa sunt, debet studens Universitati impensas sarcire, quas ei attulit.

¹⁴ Sapientia christiana, art. 31; Ordinationes 24, § 1.

Art. 18

De studentium delictis disciplinariis

Singula ad studentium delicta disciplinaria, ad sanctiones de iis irrogandas necnon ad processum disciplinarium, incluso processu scrutatorio, statuuntur in „Ordine disciplinario ad studentes Facultatis Theologiae Catholicae“, qui est norma interna Facultatis.

Art. 19

De stipendiis

Regulae ad stipendia praebenda, incluso processu petitiones tractandi et processu scrutatorio, in Universitatis „Ordinatione de stipendiis praebendis“ statuuntur. Cetera singula „Ordinatione de stipendiis praebendis Facultatis Theologiae Catholicae“ statuuntur, quae est norma interna Facultatis.

Art. 20

De tributis ad studia pertinentibus

Quanti sint tributa ad studia pertinentia, Decanus statuatur, Senatu audito, convenienter Appendici nr. 6 Statutorum Universitatis. Tributa in tabula officiali patefiant.

Art. 21

De compensationibus actuum aliorum, e studentibus exigendis

1. Pro actibus Rectoris decreto definitis potest compensatio ad valorem sumptuum cum eisdem actibus iunctorum e studentibus exigi. Compensationem, congruenter ipsi decreto, Decanus statuatur.

2. Sine compensatione soluta actus in par. 1 commemoratus ne exsequatur.

Art. 22

De studentium mansione et victu

1. Uberiora de studentium mansione et victu normae Universitatis internae statuunt.

3. De mansione et victu eorum, qui ad presbyteratum contendunt, Seminarium Archiepiscopale providet.

Art. 23

Quomodo studentibus documenta scripta in manus proprias perferantur

Regulas, quomodo studentibus documenta scripta in manus proprias perferantur, normae internae Universitatis statuunt.

Art. 24
De formatione continua

1. Sub formatione continua talia genera formationis intelleguntur, quae cognitionem, artem et habilitatem participantium adimpleant, augeant, animent vel amplificent. Quod modus formandi patet participantibus variae aetatis, intentionis intra provincias scientificas et formationis praeviae et permultis facilis est accessu.
2. Singula, convenienter „Ordini formationis continuae” Universitatis, statuuntur „Ordine formationis continuae Facultatis Theologiae Catholicae“, qui est norma interna Facultatis.

PARS SEXTA
OPERARII ACADEMICI ET ALII OPIFICES

Art. 25
De operariis academicis

1. Operarii academici sunt operarii Universitatis, qui et eruditivae et scientificae, pervestigativae, evolutivae, artificiae vel aliis navitatibus creativis operam dant atque Facultati incardinati sunt.
2. Inter operarios academicos numerantur professores, docentes, assistentes ordinarii, assistentes, lectores et ii operarii scientifici, pervestigativi, evolutivi, qui in erudiendo partem capiunt.
3. Operarii academici munere praecipientium in Facultate funguntur.
4. In docendo partem capere possunt etiam alii experti, quod fit secundum contracta de laboribus extra negotium operarii perficiendis.
5. Operarius academicus necesse est praestet qualificatione congrua in disciplina sua et mandato canonico.¹⁵
5. Si praeciens mandatum canonicum perdiderit,¹⁶ procedat Decanus secundum ius laboris.

Art. 26
De operariorum academicorum rebus ad ius laboris spectantibus

1. Antequam pactio negotii, contractum de labore faciendo vel contractum de labore perficiendo conficiatur, Decanus tenetur sibi per indicem centalem Universitatis persuadere, ne pactio vel contractus propositus normis iuridicis repugnet.
2. Per praecepta de operibus, quae operariis academicis dantur, non licet libertatibus et iuribus academicis intercedere.

¹⁵ Sapientia christiana, art. 27, § 1.

¹⁶ Sapientia christiana, art. 30; Ordinationes, art. 22.

Art. 27
De processu seligendi

1. Munera operariorum academicorum ex processu seligendi mandentur. Processus seligendi omitti potest, si cum operario academico iterum agitur de munere mandando, quo ipse iam fungitur.
2. Regulae processus seligendi in muneribus operariorum academicorum mandandis statuit „Ordo processus seligendi“, qui est norma interna Universitatis.
3. Processus seligendi potest etiam in aliorum opificum acquisitione haberi, praesertim operariorum scientificorum et expertorum.¹⁷

Art. 28
De otio ad creandum

1. Operario academico, si id postulet, otium ad creandum praebeatur ad sex menses semel in septem annis, nisi obstant gravia circumstantia, quae ad exsequendum munera Facultatis eruditiva spectant.
2. Tempore otii ad creandum operario academico merces convenit.

Art. 29
De mercedibus

Regulae ad mercedes operariorum academicorum et aliorum opificum statuendas norma interna Universitatis de mercedibus statuit.

Art. 30
Statutum speciale ad opifices spectans, qui non sunt operarii academici

1. Facultas necessitates sociales eorum opificum Universitatis respicit, qui Facultati incardinati sunt et non sunt operarii academici.
2. Opifices tenentur normas internas Universitatis et Facultatis servare.
3. Opifices tenentur curam habere de Universitatis et Facultatis fama.

Art. 31
De habilitationibus et professoris nominatione

¹⁷ Ordo processus seligendi UCP, art. 1 par. 2.

1. Singula ad proposita ferenda, iuncta cum accreditatione provinciarum scientificarum, ubi processus habilitationis fiunt vel professores nominantur, norma interna Universitatis statuit.
2. De accreditatione provinciae scientificae, ubi processus habilitationis fiunt vel professores nominantur, Decanus Senatui annuntiet in sessione insequenti.
3. Singula ad procesum habilitationis et ad professoris nominationem Universitatis „Ordatio ad processum habilitationis et ad professoris nominationem“ statuit. Rationes recommendatae, secundum quas processus ad habilitationem et nominationem aestimetur, Rectoris consulto ordinantur.

Art. 32

De professoribus invitatis

1. Praecipientes scholarum superiorum extraneorum, quorum status comparabilis est cum professoribus aut docentibus, possunt ex Rectoris decisione, quae Facultatis Consilio de rebus scientificis rogationem ferente edicatur, titulo operatorio „Professor invitatus Universitatis Carolinae“ uti, quamdiu in Universitate funguntur.
2. Professores invitati iuribus officiisque membrorum Civitatis Academicae fruuntur, excepto iure in Senatum Academicum eligere et membrum eius eligi.

PARS SEPTIMA

PROPOSITUM DIUTURNUM, EXPOSITIONES ANNUAE ET ACTIVITATUM AESTIMATIO

Art. 33

De proposito diuturno elaborando et de eius usu

1. Propositum diuturnum actionum docendi, erudiendi, scientias excolendi, pervestigandi, evolvendi, artes colendi necnon aliarum in Facultate navitatum creativarum (ulterius „propositum diuturnum“ tantum) est documentum fundamentale, ordinem agendorum statuens.
2. Propositum diuturnum initium capit nominatim de conceptis Universitati provehendae et de proposito diuturno Universitatis.
3. Facultas in proposito diuturno Universitatis praeparando participet et sententiam dicat, antequam idem propositum in Universitatis Consilio de rebus scientificis pertractetur, respectu ad commoda Facultatis necnon totius Universitatis habito.
4. Propositum diuturnum Universitatis et Facultatis sit exordium nominatim tunc, cum mutatio in Facultatis conformatione, nova curricula et intentio pervestigationis scientificae praeparantur.
5. Propositum diuturnum porro accuratius reddatur, prout opus fuerit.

Art. 34

De expositionum annuarum elaboratione et de eorum usu

1. Facultas expositionem annuam actionum et expositionem annuam de fiscalibus elaboret. Quae expositiones contineant aestimationem partium eam conformantium atque aliarum eius partium respectu totius Facultatis.
2. Commentarios de expositionibus annuis proferat Senatui Decanus; ut commentarios de fiscalibus proferat, Secretario mandari potest.
3. Conclusiones expositionum annuarum in moderando adhibeantur necnon in propositum diuturnum adaptando vel, si res fert, in eundem accuratius reddendo.

Art. 35

De aestimatione, quid sit et quomodo exigatur

1. Navitatum Facultatis aestimatio constat ex censendo, in quantum conformatio eius effectiva sit, quem ad gradum navitates educativae, scientificae et pervestigativae, evolutivae, artificiae vel aliae navitates creativae auctae sint et in quantum quaestus fontium captum sit.
2. Navitatum aestimatio perficitur ut aestimatio unitatum primariarum ac ceterarum unitatum respectu totius Facultatis.

Art. 36

Regulae ad Facultatis navitates aestimandas

1. Regulae ad Facultatis navitates aestimandas convenienter articulo 46 Statutorum Universitatis statuuntur.
2. Fundamenta ad navitates aestimandas, una cum expositione, praeparet consilium pro aestimatione, a Decano nominatum.
3. Si opus sit, potest Decanus iubere vel consilium pro aestimatione motu proprio exigere inquisitiones suppletivas.
4. Facultatis expositio de aestimatione singulis saltem lustris elaboretur; in intervallo statuendo eventus aestimationis praecedentis respiciuntur.

Art. 37

De aestimationis eventibus

Aestimationis eventus, a Consilio de rebus scientificis pertractati et a Senatu approbati, patefiant una cum proxima expositione de Facultatis navitatibus.

PARS OCTAVA
DE OECONOMICIS

Art. 38

De dispensatione oeconomica et de provisorio fiscali

1. Facultas suam dispensationem oeconomicam pro anno civili constituat.
2. Facultatis dispensatio oeconomica pars est dispensationis oeconomicae Universitatis, si Rector ita decrevit.
3. Facultatis dispensatio oeconomica ut aequabilis constituatur.
4. Protographum dispensationis oeconomicae initium capiat de principiis regularum diuturnarum, quomodo accepta Universitatis distribuuntur. Iunctim cum dispensatione approbata Senatus, Decano rogationem ferente, statuat, quomodo regulae haec pro unoquoque anno concreta fiant; potest etiam statuere, Decano rogationem ferente, quae sint indices recuperandi et hauriendi pro selectis dispensationis articulis.
5. In distribuendo accepta respiciantur nominatim navitatum eruditivorum effectus assecuti, propositum diuturnum actionum Facultatis, genera et sumptuositas nummaria curriculum accretorum et programmatum formationis continuae necnon studentium numerus. In distribuendo pecunias ad navitates scientificas et pervestigativas respiciantur nominatim earundem effectus assecuti atque sumptuositas.

Art. 39

De oeconomia et possessionum procuratione

1. Usus possessionum Universitatis, contractus de usu Facultatis interiorum ad habitandum haud aptorum vel rerum immobilium necnon pretiorum calculatio ordinantur in art. 49 et 50 Statutorum Universitatis. Oeconomia „Regulis de oeconomia Universitatis” ordinatur (Universitatis Statutorum Appendix nr. 8); possessionum procuratio „Regulis de procuratione possessionum Universitatis”.
2. Facultas oeconomiam gerit pecuniarum de aerario, quas in forma dotationis acquirit, et pecuniarum de acceptis, quae acquirit nominatim
 - a) in forma tributorum ad studia pertinentium, iuxta Appendicem nr. 6 Statutorum Universitatis;
 - b) instar tributorum de admissione ad studia;
 - c) ex ordinando cursus formationis continuae, de quibus singula statuuntur „Ordine formationis continuae”, quae est norma interna Facultatis;
 - d) instar donorum Facultati destinatarum, inclusive extraneorum;
 - e) de Facultati destinatis pecuniis foundationum, inclusive extraneorum.
3. Facultas procurat pecunias ad usus speciales praebitas de credentiis (quae credentiae Bohemice “granty” appellantur) et pecunias alias, quae ad navitates scientificas vel pervestigativas attribuuntur.

4. Ceterae pecuniae Facultati profluunt ex navitatibus supplementariis. Quomodo eadem navitates perficiantur, Universitatis regulis de oeconomicis et congruis Rectoris mensuris ordinatur.

Art. 40

De inspiciendo oeconomiam

1. Oeconomiam inspiciant personae, quibus Decanus vel Rector ita mandaverit, et quidem ex Decani vel Rectoris decreto vel ex consulto Senatus Facultatis vel Universitatis.
2. Ad oeconomiam inspiciendam Facultas debet quolibet tempore omnia fundamenta necessaria praebere. Singuli opifices obligantur veraces et completos nuntios dare. Si poscantur, obligantur explicationem scriptis datam afferre ad ea, quae inspiciendo recognita sint.
3. Oeconomiam Facultatis praeterea Senatus inspiciat.

PARS NONA

DE INSIGNIIS ACADEMICIS, DE RITIBUS ET HONORIBUS

Art. 41

De insigniis academicis

1. Insignia academica, ritus et honores Statuta Universitatis Facultati statuunt.
2. Insignia Facultatis in Universitatis Rectoratu deposita sunt.

Art. 42

De vestibus talaribus

Vestibus talaribus, ad immatriculationes, promotiones necnon alias occasioness sollemnes, uti queunt operarii in art. 55 Statutorum Universitatis nominati.

Art. 43

De immatriculationibus, promotionibus et sponsionibus

1. Immatriculationes, promotiones et sponsiones reguntur articulo 56 Statutorum Universitatis; formulas promotorum et verba sponsionis in promotione dandae Appendix nr. 1 horum Statutorum continet.
2. Processum in immatriculationibus et promotionibus statuit „Ordo immatriculationum et promotionum“ Universitatis.

PARS DECIMA
INSTITUTA COMMUNIA

Art. 44
De tabula officiali

1. Facultas suam tabulam officialem habeat.
2. Tabula officialis debet esse expressim denotata, in publico et in loco patenti intra Facultatem collocata.
3. Patefiant in tabula officiali nominatim
 - a) terminus, ad quem petitiones admittendi ad studia accipiantur, admittendi conditiones, terminus, ad quem expletio conditionum perscrutetur, necnon perscrutationis modus, examen ad admittendum forma et eorum tenoris adumbratio, criteria censendi examina et numerus maximus studentium, qui unoquoque curriculo adscribi possunt;
 - b) nuntii de anni academici initio et quomodo annus in semestria, tempora examinandi et vacationes dividitur necnon de termino adscribendi;
 - c) annuntiatio de temporibus et locis examen publicorum;
 - d) nuntius de tempore et loco, quo sessio proxima Senatus Academici Facultatis fiat;
 - e) nuntius de modo, quo expositiones annuae patefiant aut ubi sit ad eos aditus, necnon nuntius, ubi sit aditus ad propositionem diurnam Facultatis;
 - f) nuntii, quanti sint compensationes ad studia pertinentes atque tributa de admissione ad studia et, si exstent, quanti sint compensationes, quae ex studentibus exiguntur pro actibus aliquibus, Rectoris decreto statutis;
 - g) nuntii de studentium permutatione;
 - h) annuntiationes depositionis documentorum, si perlatio compensativa studentibus in manus proprias fiat;
 - i) ceteri nuntii, de quibus norma interna Universitatis vel Facultatis ita statuerit aut Decanus ita decreverit.
4. Documenta in tabula officiali exposita patefiant etiam per interrete (Internet).

Art. 45
Regula interpretationis

Si dubium oriatur de sensu vel argumento cuius rei libet, quod norma interna Facultatis statuerit, Senatus eam interpretetur.

PARS UNDECIMA
INSTITUTA CONCLUSIVA

Art. 46

Institutum abrogativum

Abrogantur omnes normae internae Facultatis Theologiae Catholicae, edictae secundum legem nr. 172/1990 Coll., de studiis superioribus, et secundum legem nr. 111/1998, de studiis superioribus necnon de mutatione et suppletione legum aliarum.

Art. 47

Instituta conclusiva

1. Haec novela Statutorum (ulterius „norma“) in voce Bohemica et in translatione Latina elaborata est.
2. Haec norma a Senatu Academico Facultatis die 26 octobris 2006 approbata est.
3. Haec norma a Congregatione pro Institutione Catholica die 29 decembris 2006 approbata est.¹⁸
4. Haec norma vim obtinebit die quo Senatus Academicus Universitatis approbet eam.¹⁹
5. Haec norma efficax fiet die quo vim obtinuerit.

.....
ThLic. Prokop Brož
Praeses Senatus Academici Facultatis

.....
prof. PhDr. Ludvík Armbruster
Decanus

¹⁸ § 9, par. 1, litt. b) legis nr. 111/1998 Collectionis legum et praescriptorum, secundum vocem valentem.

¹⁹ § 9, par. 1, litt. b) eiusdem legis.

Senatus Academicus Universitatis hanc normam approbavit die 26 januarii 2007.